

直隸霍州志目錄

卷首

圖

州屬總圖

州境

霍山

州城

學宮

卷一

沿革

卷二

星野

卷三

疆域

里甲附

卷四

山川

卷五

城池

卷六

官署

卷七

驛站

舖遞附

卷八 關隘 營汛附

卷九 水利 津梁附

卷十 物產

卷十 倉儲

卷十 賦役 榷稅鹽法附

卷十 學校 書院義社學附

卷十 祠廟

卷十 風俗

卷十 機祥

卷十 古蹟 陵墓寺觀附

卷十 封爵

卷十 秩官

卷二 宦績

卷二 科目 恩拔副歲例貢附

卷二 仕籍 援例封典附

卷二 人物 賢哲 宦業 寓賢

卷二 列女 貞節 賢媛 篤行 文苑 方技 仙釋 誠早婚說附

卷二 藝文 上中下三冊 舊志原敘附

直隸霍州志卷二十五

上冊

藝文

勅修應聖公祠碑

唐鄭瀚

伊昔隋氏不綱海水羣飛必有真人乘弊而起我高祖
太宗提劒義動謐寧亂略釐天緯紐地維叱咤而日月
貞風雲動壹戎而地道光將材出神祇奔讐不復後符
命謳謌勝蠻所以叶嗜欲遠合岐陽之蒐高指孟津之
會墜塗炭者戡定奉壺漿者勞徠煌煌乎天人之表以
蘇品彙或哲而謀或幽而明陶埏陰陽用啓眷佑矧草

昧之中睿作已張化而爲大猷秩而有後嗣意者廓天
統扶土德神功不能戢其貺靈鑒不得遁其形理可明
徵道邁先覺時則霖沴方作饋餼不給曠若棼掃雪然
鏡開華髮逶迤告語濟師雖里社鳴濁河清秦星聚素
靈出擬諸斯瑞不是過也噫桀有昏德三苗亂常逮於
逐蚩尤掃欃槍幽贊不違咸是物也故能吉蠲之明祀
視諸侯之徽數赫赫天寶於以報功瀚曩時官謬紫微
郎將命大鹵霍鎮之下壽宮不騫敢鏤菲詞以恢王業
其銘曰崇山巖巖晉分所瞻唐風泱泱景祚悠長俯僂

白衣契幽洞微揭日無私我建義旗昔告趙符今導六
龍干戈之兆脫劔之幾勒諸崢嶸以永光輝開成二年
正月十八日勅建

霍山神傳

呂誼

霍山神者蒼帝之中子也生於天靈之紀著雍赤奮若
之歲封冀總領海內名山錫璜黃裳以象其德青帝赤
帝之子元司白司之神咸稟承焉堯時洪水爲災遣黃
能入洪波導禹故禹承舜命乘四載先登太岳霍山禱
之於是隨山刊木奠高山大川地平天成萬世永賴妃

厥藐姑輔厥五老帶以黃河礪以太行中條五臺衙官
僕從也當殷之衰蜚廉助紂爲虐神賜之死亦給石棺
周季晉獻公六年伐霍霍公來奔神令復之而賜晉穰
及晉衰趙簡子秉國政神使從者致帝命又使使遺襄
子竹書曰趙母卹余霍山山陽侯天使也三月丙戌余
將使女反滅知氏將賜女林胡之地後世且有仇王亦
黑龍面而鳥喙鬚麋髭髯大膺大胷修下而馮左袵介
乘奄有河宗至於休溷諸貉伐晉別北滅黑姑襄子受
亡至雍稱武靈王焉嗣是而秦而漢歷魏六朝變化靈

應以對上帝以答天下隋氏之末民罹塗炭聖唐啓運
高祖執義旗救寰宇神靈幽贊引翼王師爰定大業於
關中嗚呼太岳之山神符帝謂望氣者徒知鬱鬱葱葱
含芳吐秀羅植萬物以美珠玉夫亦知神之所以爲神
乎予故爲傳以神之而初非故神其說也

唐河東節度觀察等使光祿大夫檢校司徒兼太

原尹北都留守御史大夫上柱國太原郡開國

公食邑二千戶王宰碑

開成五年自隴州防禦使拜工部尙書節制邠寧至會

昌三年蒙恩換許昌節至九月自許昌統當軍驍卒泊河陽義成宣武浙西宣歙等軍兵馬充攻討使誅除壺關寇嗣至四年八月十日梟逆首獻闕下蒙恩獎寵除左僕射至九月將歸許昌軍次溫縣天使持節至又受寵詔遷鎮北門十月過此至會昌六年上登寶位蒙恩加司空至大中元年奏以雲蔚朔三州之腹爲賊喉要故戍舊封多所廢缺蕃寇奔突無所限礙又相厥土濃壤可出軍需遂疏其利宜請立耕戰三城募卒六千任其事務農習戰永斥邊寇克富軍儲至二年九月秋成

境肅上錄其功詔就拜司徒宰以叨乘微効祇寄北都
及今五稔日懼罪悔靡遑非據遂瀝誠拜章乞覲明庭
旣蒙恩下允誠懇至十二月十二日遂得祇詔擁節趨
闕赴正仗朝聘之禮至明年正月十一日又蒙聖旨獎
加光祿大夫依前檢校司徒却歸本鎮至二月五日過
此因覽其重巒複疊積樹叅差汾水迴奔而潺湲天險
蔽抱而崇固可壯夫霸圖皇業萬代之基駐旆關亭吟
睇移景又覩中令河東公及相國令狐公左揆狄公相
國崔公來罷之題列遂輒紀其轉歷及往復所自云從

弟節度判官殿中侍御史內供奉賜緋魚袋坤男前叅
司禦錄事叅軍嗣宗並從行

河東節度高壁鎮新建通濟橋記

蕭

珙

蘭陵人

粵茲雄鎮實河東軍之要津封接蒲城當舜夏墟之舊
地有關曰陰地有亭曰鴈歸固晉川之一隅通汾水之
千派金城洶湧林麓森沉東控介巒西連白壁峯巔萬
仞壁峭千尋足食足兵有威有固則代郡鴈門何越之
有至若驛騎星馳華軒雲奏往返駢闐者皆中朝名士
悉息駕於鴈歸亭未嘗不題藻句紀年代也西南松門

洞豁逕通千里巖巘隱映用輪礮者居焉薄暝遺運者
衆混流箭激不可渡之雖有葉舟過者懷疑或覆衝谿
人或駐滯遊子凡經渡者咸有咨憤之詞伏會兵馬使
清河張公領是鎮初有關城居人百姓等偕詣柳營請
刱建長橋以導達津阻公挺儁人表導全禮樂器兼經
濟才爲時生深惻隱運良籌允所陳而召節級僉曰吾
北離旌檠南過斯軍致舟車不便衆有感容胡爲關河
字人遂請當鎮咸通觀音院主法大德普安激勸乃輩
結聚 鳧兼自減月俸以咸通九年戊子歲五月九日

興良工政

畢能乘時遂因便利出材勉爲甘言賞

勵短匠不日畢成是橋長一百尺闊一丈五尺下去水四十尺砌置門屋立鑲鑰安華表柱俾閤者潔嚴掌轄署其名曰通濟其橋南有古之曾氏石橋雖名揚寰海而通濟之義莫大茲也由是自華亭鬪虹樑飛鵲脚架雲棧迴朱檻化蟬螭於洪波騰華鶴於朱戶炳煥方面蓋以壯皇家天外北門之咽扼耳曩者亭際中流有怪石蹙浪聲砰轟若雷霆震而不息兩堤人不辨其音狀有蛟螭潛處其下居者嘗虞罕窺其禎咎公以建橋之

日奠餽酒祝之其聲頓止是

規風振俗兆應昭彰

故得磊落妖聲潛殄水府以表我公之勲業巍巍乎愚
才非敏達得不紀茲殊績輒綴斯文用刊貞石是十五
年壬辰四月十五日記

重修應聖公廟

宋閻光度

昔隋氏末季唐祚未興四海黎民墜諸塗炭萬方豪傑
各舉戈矛駢虎兇以鴟張統貔貅而蠶食載血腥原野
暴骨成邱山時無定君人思真主唐高祖執義爲柄唱
義成師嘯集羣雄肅清天下弔問亂世起救寰中師次

呂州前有勅敵攻則力寡戰則兵羸飛輓距前水潦爲患疑慮不決人心復搖是時也霍嶽之神幽贊而起蕩清逋役引導王師破宋老生霍邑縣臨汾旣拔絳郡尋平箒掃欃槍席卷氛祲擒竇建德降王世充大風起而雲物駱除太陽出而露華冰鑠君臨大寶神有力焉論曰天撥亂而啓聖功神獻竒而扶唐祚所以角力傑出者爲唐之藉蜂屯蟻聚者爲唐之資而後立廟廷備洒掃天寶中申祀典行冊命四瀆齒諸侯之秩五嶽符三公之位冀州鎮霍山神封爲應聖公蓋顯幽贊答靈貺

也西方之美有霍山之多珠玉焉卽此山也酈善長水經云霍太山其廟鳥雀不棲其林猛獸常守其庭卽此廟也設險負固排空聳高東會太行西偶姑射扼夷護夏却敵籓邊不可議也吐翠含芳羅植萬類出雲洩雨沛潤百穀卽春秋以生殺同天地之長養不可窮也戎師天水趙公節制是邦於今八載衽金鉞按琫戈登將壇分戎闡下車而民悅考績而政成敵不侵邊人皆勤業鄉閭豐亨地方肅靜盜賊屏息以義安都維那魚璋等廣化羣心復構新殿侔諸大壯煥乎成功雲攢蟠螭

之梁似生巖嶂魚貫碧烟之瓦誕下汀洲復巖如在之
容永享惟馨之祀將傳不朽是述斯文乾德五年歲丁
卯四月六日記

贈尚書祠部員外郎文府君墓志 文彥博

夫水之有原原出之深者其流長人之本祖祖德之厚
者其嗣昌噫原深德厚者見之吾祖祠部府君矣君韓
鉞字挺之本姓敬當晉室以犯高祖御名改賜今姓取
文象也至聖朝以避翼祖廟諱遂不復舊有嫡裔遷於
齊子完之孫以諡爲姓自時厥後胄緒益蕃或占籍於